



Na osnovu člana 2.9 stav (1) tačka 9 i člana 5.29 Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 93. sjednici, održanoj 24.10.2024. godine, donijela

**O D L U K U**  
**o utvrđivanju i objavljivanju rezultata**  
**Lokalnih izbora u Bosni i Hercegovini 2024. godine**

**Član 1.**

(1) Centralna izborna komisija Bosne i Hercegovine utvrđuje i objavljuje rezultate Lokalnih izbora u Bosni i Hercegovini 2024. godine za:

- a) 55 općinskih vijeća u Federaciji Bosne i Hercegovine,
- b) 51 skupštinu općina u Republici Srpskoj,
- c) 106 načelnika općina u Bosni i Hercegovini,
- d) 18 gradskih vijeća u Federaciji Bosne i Hercegovine,
- e) 10 skupština gradova u Republici Srpskoj,
- f) 29 gradonačelnika u Bosni i Hercegovini i
- g) Skupštinu Brčko distrikta Bosne i Hercegovine

(2) Za Općinska vijeća i načelnike Općina Jablanica, Kiseljak i Prozor – Rama, Skupštine općina i načelnike općina Gacko i Foča, Gradska vijeća i gradonačelnike gradova Čapljina i Konjic, te Gradsko vijeće Grada Mostara, rezultati će biti utvrđeni dopunskom odlukom Centralne izborne komisije Bosne i Hercegovine po stjecanju neophodnih uvjeta za utvrđivanje izbornih rezultata za navedene nivoe vlasti.

**Član 2.**

Sastavni dio ove Odluke, je detaljan tabelarni prikaz rezultata glasanja za svaki izborni nivo iz člana 1. stav (1) ove Odluke, po osnovnim izbornim jedinicama, biračkim mjestima i političkim subjektima i kandidatima.

**Član 3.**

(1) Nakon utvrđivanja i objavljivanja izbornih rezultata, Centralnoj izornoj komisiji Bosne i Hercegovine može se podnijeti zahtjev za ponovno brojanje glasačkih listića u roku od 72 sata od dana utvrđivanja i objavljivanja izbornih rezultata iz člana 1. stav (1) i člana 2. ove Odluke, na način i u formi kako je propisano odredbama člana 5.30 Izbornog zakona Bosne i Hercegovine, kao i prigovor na tačnost objavljenih rezultata izbora.

(2) Zahtjevi za ponovno brojanje glasačkih listića, kao i prigovor na objavljene rezultate se dostavljaju isključivo putem faks aparata, na broj: 033/251-329, elektronskom poštom na e-mail adresu [zzov@izbori.ba](mailto:zzov@izbori.ba) ili neposredno u sjedište Centralne izborne komisije Bosne i Hercegovine, ulica Danijela Ozme 7 Sarajevo.

#### Član 4.

Ova Odluka stupa na snagu danom donošenja i objavit će se 24.10.2024. godine, u 16.45 sati, na internet-stranici Centralne izborne komisije Bosne i Hercegovine [www.izbori.ba](http://www.izbori.ba), i smatrat će se da je danom objavljivanja, ista dostavljena svim učesnicima u izbornom procesu. Shodno pozitivnim zakonskim propisima, dani subota i nedjelja (26 i 27.10.2024. godine) su radni dani u Centralnoj izbornoj komisiji BiH, i isti se računaju u rokove za podnošenje zahtjeva za ponovno brojanje glasačkih listića, prigovora i žalbi. Predmetni podnesci se mogu neposredno predati u pisarnici Centralne izborne komisije Bosne i Hercegovine u vremenu od 08,00 sati do 16,00 sati.

#### **PRAVNA POUKA:**

Protiv ove Odluke, u skladu s članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjeljenju Suda Bosne i Hercegovine u roku od dva dana od dana objavljivanja ove Odluke.

Žalba se podnosi putem Centralne izborne komisije Bosne i Hercegovine i dostavlja se isključivo putem faks aparata, na broj: 033/251-329, elektronskom poštom na e-mail adresu [zzov@izbori.ba](mailto:zzov@izbori.ba) ili neposredno u sjedište Centralne izborne komisije Bosne i Hercegovine, ulica Danijela Ozme 7, Sarajevo.

Broj: 05-1-07-1-3423-1/24  
Sarajevo, 24.10.2024. godine



Predsjednica

dr. Irena Hadžić